

# ԼՂԻՍ. ԱՐՏԱԿԱՐԳ ՊԱՏԱՀԱՐ

Հոկտեմբերի 10-ին, մոտավորապես ժամը 21-ն անց 30 րոպեին Ստեփանակերտի ծաղրամասում, Արմենախանում, արտակարգ պատահար է տեղի ունեցել: Նախնական տրվածների համաձայն, այդ ժամանակ այդտեղով անցնելիս էր լեյ Ավերյուզակի հրշեջ տեխնիկական ոտամնարանի կուրսանների ախտաբանությունը, որը Շուշից Կիրովաբադ էր ուղևորվում: Շիննորոգման վարչության մոտ շարասյունը քարկոծվել է: Դրան ի պատասխան կուրսանները զենք են գործադրել, ինչի հետևանքով տեղի վեց հայ բնակիչներ վիրավորվել են և շտապ կարգով հիվանդանոց տեղափոխվել: Նրանցից մեկը հետո հիվանդանոցում մահացել է: Տեղնուտեղը պատահարի վայրն է մեկնել ԼՂԻՍ-ի ներքին գործերի վարչության և Ստեփանակերտի ներքին գործերի քաղաքային բաժնի քննչական-օպերատիվ խումբը:

Ինչպես հաղորդեցին հատուկ կառավարման կոմիտեում, մի բանի կուրսաններ մարմնական թեթև վնասվածքներ են ստացել: Նրանց բուժօգնություն է ցույց տրվել Կիրովաբադում: Չենք գործադրած 12 կուրսաններ թողնվել են Ստեփանակերտում պատահարի հետաքննության ամար:

Քաղաքի բնակչությունը

գտնում է, որ նպատահարը իսկական սրովոկացիա է, և դրա համար մեղադրում է հատուկ շրջանի պարտությունը դեկավարությանը: Բնակչությունը մասնավորապես պահանջում է բացատրություններ տալ, թե ինչու են կուրսանները կրակել նաև քաղաքի կենտրոնում, այն է՝ Լենինի ու Կիրովի փողոցներում, որտեղ նրանց ոչ ոք չէր սպառնում: Մարդիկ հոռետեսորեն են վերաբերվում նաև այն բանին, որ կուրսանների մեջ կան վիրավորներ, հակառակ դեպքում ինչո՞ւ նրանց բուժօգնություն ցույց չի տրվել Ստեփանակերտում: Մարզային կենտրոնի բնակիչներին հետաքրքրում է նաև այն հանգամանքը, որ զինվորական շարասյան անցնելու մասին չէին զգուշացված տեղական իրավասահ մարմինները, որոնք կկարողանային մեքենաների անվտանգ երթևեկությունը ապահովող համապատասխան միջոցներ ձեռնարկել:

Հատուկ կառավարման կոմիտեն և հատուկ շրջանի պարտությունը, իրենց հերթին, նույնպես այն կարծիքին են, որ դա սրովոկացիոն ձեռնարկում է լոկալ, սակայն զինձառայողների նկատմամբ՝ ու-

զիռնում լարվածությունը պահպանելու նպատակով:

Ո՞վ է նրանցից իրավացի: Պատասխանը պետք է տան հետաքննության արդյունքները:

Տեղի ունեցած ողբերգությունը բորբոքեց մարդկանց կրքերը, որոնք առանց այն էլ սուր բնույթ են ստանում Ղարաբաղի պրոբլեմի, \*Հայկական ԽՍՀ-ի և ԼՂԻՍ-ի շրջափակման անհապաղ վերացման հարցի նկատմամբ կենտրոնական իշխանությունների վերին աստիճանի տարօրինակ մոտեցման պատճառով: Այս կապակցությամբ Լեռնային Ղարաբաղի հայ բնակչությունը պաշտպանում է ինքնավար մարզից և Հայաստանից ընտրված ժողովրդական դեսպուտատների վարմունքը, որոնք ի նշան բողոքի, հեռացել էին ԽՍՀՄ Քերագույն խորհրդի նիստերի դահլիճից:

— Ես կարծում եմ, որ մեր դեսպուտատները ճիշտ են վարվել, — Արմենպրեսի թղթակցին ասաց Ստեփանակերտի արտադրական կոմբինատի ինժեներ Լիլյա Հարությունյանը: — Համբերությունը վերջ ունի: Երբ մի ամբողջ ժողովրդի ձայնին համատորեն չեն ուզում անուղ, մանավանդ անավոր ողբերգություն տե-

սած ժողովրդի ձայնին, որին արձագանքեցին երկրագնդի գրեթե բոլոր երկրները, նրա ընտրյալներին ուրիշ ոչինչ չի մնում, բացի այդ կերպ վրճարական բողոք արտահայտելուց: Մեզ, հայերիս պետք չեն կեղծ խոստումներ: Մենք մինչև կոկորդներս կուշտ ենք բանավոր ողորմություններից: Հայ ժողովուրդը իր դավաճան պատմության մեջ գործով է ապացուցել իր սրբազան հավատարմությունը ինտերնացիոնալիզմի և առաջադիմության իդեալներին՝ լինի դա մասնավորապես հեղափոխական շարժման մեջ, Հայրենական մեծ պատերազմի դժնդակ տարիներին, թե սոցիալիստական արարման աշխատանքային առօրյայում: Նա նույնպես վերաբերմունք է պահանջում նաև իր նկատմամբ: Եթե կենտրոնական իշխանությունները ուզում են այսուհետև էլ ներկա Ադրբեջանի բոլոր հակամարդկային ձեռնարկումները, խնդրեմ, միայն թե ոչ հայ ժողովրդի հաշվին:

— Ես անցել եմ պատերազմի ճանապարհներով, նայել եմ մահվան երեսին այն Ստեփանակերտ

հաստատ հավատով, որ այն երկիրը, որտեղ ապրում են իմ զավակներն ու իմ ժողովուրդը, նրանց երջանիկ կդարձնի: Սակայն Լեռնային Ղարաբաղի պրոբլեմին առնչվող վերջին մեկուկես տարվա իրադարձությունները լրջորեն սասանեցին՝ իմ հավատը, — ասաց կուսակցության, պատերազմի և աշխատանքի վետերան, մարզի ավագագույն ժողովախոս Արզար Դանիելյանը: — Ես մտածել անգամ չէի համարձակվի, որ Խորհրդային Միությունում խաղաղ ժամանակ մեր ժողովուրդը ֆիզիկական ու բարոյական ցեղատպանության կենթարկվի: Այսօր դա դառն իրողություն է: Ես կոմունիստ եմ, արդեն 72 տարեկան եմ: Եթե այդ օրը գտնվեի երկրի Քերագույն խորհրդի նիստերի դահլիճում, ապա կվարվեի նույն կերպ, ինչպես որ վարվեցին հայ դեսպուտատները: Վստահ եմ, այդպես կվարվեին նաև մյուս բոլոր ժողովուրդների ներկայացուցիչները, եթե նրանց նրկատմամբ նման աղաղակող, անարդարացի վերաբերմունք ցույց տրվեր:

**Ա. ԳՐԻԳՈՐՅԱՆ**  
**Արմենպրեսի սեփական թղթ.**  
Ստեփանակերտ